

讀史方輿紀要

辛丑仲秋

安師題簽

浙江方輿紀要序

浙江之形勢盡在江淮江淮不立浙江未可一日保也曰越不嘗以此亡吳乎夫越之與吳抗也越實不足以敵吳而吳恆有吞越之志夫差敗越于夫椒棲越于會稽當是時固已無越矣而吳不取乃從而受越之愚越自知其不能報吳也與種蠡諸臣積謀蓄力數十年而後發之一旦使吳不虛竭其國疲弊其民殺其謀臣以資越越未可以得志也越既滅吳而江淮之地坐收之矣而越不能有也楚人從而奄有之蓋越之亡卽肇于亡吳之日矣君子觀楚人有江淮而早知滅越者必楚也後代李子通竊餘杭而亡于江淮之杜伏威明太祖定金陵收江北然後從而覆僞吳亦其大較矣曰吳越不嘗以此立國乎夫吳越之立國也陰結與國厚賂中朝恃爲形援而淮南以上游之力若不難翦此而後朝食吳越之敵國外患莫甚于淮南故其君皆勉強自立亦兼有將帥之材僅保其境內而不授敵人以隙然江淮雖與吳越爲仇而吳越實藉江淮之衛吳越助中朝以攻南唐唇齒之慮宜無待李氏之昌言也處觸藩之會既不敢以背中朝力又不足以存李氏及李氏亡而惕然有孤立之懼矣籍地來朝不可緩矣是江淮之存亡卽爲吳越之存亡也宋之都臨安也亦然渡江之初奔亡倉卒江淮之藩籬未遑立也兀朮提兵躡江東陷建康自廣德直趨臨安進陷明越窮追海盜錢唐之波濤曾不能濡戎馬之足矣嗣是諸將力戰于江上于兩淮又遠而爭襄漢爭川陝然後藩籬益固而臨安可都矣迨其後也蒙古擾兩淮傾襄樊伯顏長驅入建康而江淮之險盡入于敵伯顏自建康分兵三道直指臨安

歷卯之勢已成。雖有智者不能爲宋謀也。猶謂浙江之命非江淮制之也乎。然則浙江無當于得失之數乎。曰奚爲其然也。夫浙江者南臨閩粵北輔金陵東禦島夷西走饒歙魚鹽粟帛財賦所資也。其民習波濤善弓弩甲兵亦可用也。但以僻在東陲湖山間阻以此爭雄天下勢有所難逮耳。蓋嘗取浙江而籌之夫浙江在漢不及一郡之地東漢永建四年議者以會稽一郡周圍萬一千里山川險阻控馭爲難因分浙江以東爲會稽郡地而西則爲吳郡孫氏分割以後建置始多大約兩浙之壤北盡江濱南極甌閩唐乾元初置浙江西節度使領昇潤宜歙饒江蘇常杭州十州浙江東節度使領越睦衢婺台明處溫八州其浙西之地益推而廣之矣後又以浙西爲鎮海軍領潤州及蘇常杭州睦共六州浙東爲鎮東軍領越州及台明溫處婺衢共七州後之言兩浙者皆以是爲據錢鏐兼領鎮海鎮東兩軍而移鎮海于杭州不能有常潤也蓋已非兩浙之舊壤矣然而有吳郡則猶以江爲境也今之建置并不逮吳越之疆矣如是而欲爭雄天下不誠難哉雖然時會何常且用兵之道亦在奇變而已夫浙江者震澤枕其北大海互其東此奇變之資也吾用正兵以指平江敵不慮我之越海而來渡湖而至也則吾之計得矣何也自錢塘而放乎大海乘風破浪左江右淮因利乘便出入縱橫敵必不知其所備也錢鏐討薛朗于潤州欲自定山下海門董搏霄自德清進擊項普略于杭州曰吾若退保湖州使賊得乘銳趨京口則江南不可爲矣夫杭州至京口未易信宿達也由海道而前則一帆可至耳震澤與蘇常接壤春秋時吳越已從而爭之六朝都建康以義興爲重地東方有變必爭義興以其扼震澤之口也淮

南南唐與吳越相持湖濱烽火星羅棋布明初亦自宜興出太湖襲敵之湖州蓋太湖在諸郡肘腋閩與敵共險先乘者勝矣且自宜興以西道溧陽越東壩可直抵金陵也夫以東南而問中原則不能無事于江淮以浙江而問江淮則不能無事于湖海此必然之勢也若自□安而出廣德由廣德而上東壩亦出奇者必爭之道而勢少力孤或未可遽達若東西齊舉水陸相因奇正相輔則偏師宜出其間矣淮南獨用之以攻吳越而卒無功金人蒙古用之兩陷臨安一則無備之國當方張之寇一則分道並進氣盛力強也至于仙霞入閩良爲要途然漢伐閩粵由會稽海道而進吳越取福州自温州越海而南元人入閩多自明州濟師明初平閩寇一自江西出杉關一自明州泛海竟掩福州實未嘗由仙霞也夫用間道者多奇功自昔然矣噫此亦就浙江言之耳有提衡六合之規者居上游而運中原浙江以南皆將傳檄而下望風而附如吳越已事正不必切切于浙江也或曰明太祖何以先圖兩浙乎曰明太祖實起于東南臥榻之旁皆戎首焉自不得不先爲苞桑之計矣夫運量天下豈惟一途而子猶有刻舟膠柱之心哉

讀史方輿紀要卷八十九

常熟顧祖禹景范輯著

浙江一

禹貢曰揚州周職方亦曰東南惟揚州詳見江南春秋爲吳越二國地在嘉興之語見溪後并于越戰國時屬楚

周顯王四十六年楚威王伐越破之殺其王無疆盡取浙江以北地其在天文亦斗分野也秦并天下屬會稽郡漢武置十三州此亦爲揚州地

後漢因之三國時爲吳地晉亦屬揚州宋孝建初分浙江東爲東揚州領會稽東陽新安永嘉臨海五郡尋復入于揚州孝武通典

置東揚州旋罷揚州稱爲王畿而東揚州直云揚州既而復故梁陳時亦分置焉隋大業初置十三州此仍爲揚州地後爲沈法興李子通等

所據唐分十道此爲江南道開元中隸江南東道五代時屬于吳越宋初爲兩浙路後分浙東西爲兩路熙寧中分

合不一南渡後始定爲二路浙西治臨安浙東治紹興元置江浙等處行中書省至元十三年亡宋立兩浙都督府于杭州二十一年自揚州遷江淮行省治此改曰江淮行省後爲方

國珍張士誠等所據明初平之洪武九年置江浙等處承宣布政使司領府十一屬州一屬縣七十五總爲里一萬八

百九十九夏秋二稅大約二百五十二萬二千八百二十七石有奇而衛所參列其中今仍爲浙江布政使司

杭州府 屬縣九

錢塘縣 附郭 仁和縣 附郭 海甯縣 富陽縣 餘杭縣 臨安縣 於潛縣 新城縣

昌化縣

嚴州府 屬縣六

建德縣 附郭 桐廬縣 淳安縣 遂安縣 壽昌縣 分水縣

嘉興府 屬縣七

嘉興縣 附郭 秀水縣 嘉善縣 崇德縣 桐鄉縣 平湖縣 海鹽縣 海甯衛墩浦乍浦二所附見

湖州府 屬州一 縣六

烏程縣 附郭 歸安縣 附郭 長興縣 德清縣 武康縣

安吉州

孝豐縣

紹興府 屬縣八

山陰縣 附郭 會稽縣 附郭 蕭山縣 諸暨縣 餘姚縣 上虞縣 嵊縣 新昌縣 紹興

衛三江所又臨山衛
瀝海三山所附見

甯波府 屬縣五

鄞縣 附郭 慈谿縣 奉化縣 定海縣 象山縣 甯波定海衛穿山舟山鄞衢大嵩等所又觀海衛龍山所又昌國衛石浦錢倉寶溪

等所
附見

台州府 屬縣六

臨海縣附郭 黃巖縣 天台縣 仙居縣 甯海縣 太平縣台州海門衛前所新河桃渚健跳等所又松門衛隘頭楚

門等所附見

金華府屬縣八

金華縣附郭 蘭谿縣 東陽縣 義烏縣 永康縣 武義縣 浦江縣 湯溪縣

衢州府屬縣五

西安縣附郭 龍游縣 常山縣 江山縣 開化縣

處州府屬縣十

麗水縣附郭 青田縣 縉雲縣 松陽縣 遂昌縣 龍泉縣 慶元縣 雲和縣

宣平縣 景甯縣

温州府屬縣五

永嘉縣附郭 瑞安縣 樂清縣 平陽縣 泰順縣温州衛平陽瑞安海安三所又金鄉衛蒲門壯士沙園所又盤石衛蒲岐甯村所附

見

東瀕海 嘉興以北接蘇州洋温州以南接福州洋而甯台爲瀕海之極衝紹興次之杭又次之東面之防以

海爲亟

南極閩 衢處溫三府皆與閩接界而溫以平陽泰順為藩籬處則慶元龍泉為門戶衢州府江山縣之仙霞嶺則南北往來之喉嚨也

西接重山 衢州以西接江右之廣信嚴州以西接江南之徽州湖州安吉以西與廣德為唇齒其間山谿盤

錯間道所由非一途矣

北限五湖 太湖當湖州之北嘉興府之西北東出者為吳淞江又嘉興蘇松接壤處也

其名山則有會稽 會稽山在紹興府東南十二里禹東巡狩至于會稽管子禹封泰山禪會稽吳越春秋山

又謂之說者云會稽者會計也禹會諸侯江南計功命曰會稽云山海經會稽山四方上多金玉下多珉石

塗山 棟山越絕書棟猶鎮也輿地志會稽山一名衡山有石狀如覆鬴亦名周禮職方揚州其鎮山曰會稽左傳

覆鬴山道書稱會稽山周圍三百五十里有陽明洞為第十一洞天哀元年吳入越越子以甲楯五千保于會稽史記秦始皇三十七年南遊上會稽祭大禹望于南海而立石

刻頌秦德又二世元年南至會稽太史公自言上會稽探禹穴呂氏春秋九山一曰會稽後漢書永元元年

監八年有請封隋開皇十四年詔以會稽山為南鎮大業六年穿江南河并置驛宮草頓將東巡會稽不果

唐大典江南道名山曰會稽會稽之東三里曰宛委山上有石匱壁立于雲升者累梯而上十道志石匱山

一名玉笥有懸巖之險亦名天柱禹得金簡玉書于此通甲開山圖禹至會稽宿衡嶺又東南曰秦望山在

東南四高出羣山之表會稽志秦始皇登此望東海使李斯刻石焉今府西南別酈道元曰自平地趨山頂

七里縣磴孤危峭路險絕攀蘿捫葛然後能升山之後又有望秦山

在府東南三十二里

一名天柱峯一名卓筆峯秦

始皇登此以望秦中也會稽之西曰法華山

在府西南二十五里

十峯聳峙下有雙澗會稽之西南曰雲門山

在府南三十里

稱爲秀異要皆會稽之支山也陸參云夏后氏巡狩越山方名會稽後世分而爲秦望釐而爲雲門法華其

實一山也自始皇登此以望南海又陟天柱之高峯以望秦中于是知有秦望望秦之名今府城之南自西

而東二三百里間羣山隨地立名者何一非會稽之支隴乎

天目 天目山在杭州府臨安縣西五十里於潛縣北四十里又湖州府安吉州西南七十五里高峻盤鬱爲

西面之巨鎮唐六典天目山十道名山之一也元和志天目有兩峯峯頂各一池左右相對如目左屬臨安

右屬於潛

今曰東西天目山東屬臨安西屬於潛其東峰從臨安入西峰則從孝豐入

東西二瀑布瀆流數里下注成沼曰蛟龍池卽茗溪桐溪

之上源也郭璞地記天目山垂兩乳長龍飛鳳舞到錢唐東南地靈蓋鍾于天目矣

道書天目山高二千九百丈周八百里爲第三

十四洞天寰宇記山廣五百五十里東

西高三千丈西目高二千五百丈云

宋咸淳十年天目山崩說者以爲宋亡之徵也

山崩後三年而今山

有十二龍潭三十六洞其峯巒之奇者西則玉柱香爐象鼻爲最東則大仙將軍寶珠爲最其高險阻深嵌

嵌瑰異不可殫究

宋人杭都賦山雖多矣莫若天目之爲大其高也凡三萬九千尺仰太虛分日月低坐絕頂分乾坤窄

自天目而外遠近諸山環繞林立皆

若臣伏然豈非天開奇勝歟唐子霞云天目山一名浮玉山其山連互于杭宣湖徽四州之界羅氏云天目

山互于杭州兩郡間餘杭臨安於潛昌化皆在其陽安吉孝豐皆在其陰山之西麓與江南甯國縣接界爲

西出之間道天下多事言地險者天目其未可略矣

四明 四明山在紹興府餘姚縣南百十里甯波府鄞縣西南百五十里互兩郡之境蟠跨數縣由鄞縣小溪鎮入者曰東四明由餘姚白水山入者曰西四明由奉化雪竇山入者則直曰四明層巒絕壁深谿廣谷高

迴幽異孫綽賦云涉海則有方丈蓬萊登陸則有四明天台蓋靈仙之窟宅也唐六典江南道名山曰四明

山經云山高一萬三千丈周圍二百十里一云八百里道家以爲丹山赤水第九洞天 山凡二百八十峯四面形勝各有區分中通一溪曰簞溪四明山記

山東面七十峰勢如驚浪號驚浪峰西面七十峰狀如奔牛號奔牛隴南面七十峰狀如驅羊曰驅羊峰有澗南出流百二十里歸于鄞江北面羣峰狀如走蛇曰走蛇峭有澗深入山中七十餘里西南又有八峰狀

如罽囊曰八囊山自餘姚白水山入東南行二十里有三朶峯以三峰鼎足而立也三峯南有五朶峯狀若芙蓉五峯相望各六里其中央卽四明山心東西兩旁又有數峯錯峙芙蓉峯之東南爲鸞鳳巖入于鄞縣

界其右卽羣峯之中有分水嶺石窗四面玲瓏每大地澄霽望之如戶牖中通日月星辰之光亦名四窗故分水嶺也

曰四明其巖洞岡嶺之屬隨地立名者以數百計大抵餘姚上虞鄞縣奉化境內諸山以奇勝稱者皆四明

也

天台 天台山在台州府天台縣西百十里志云在縣北十里一云三里蓋縣境之山皆天台也亦名桐栢山山經云高

一萬八千丈山有八重四面如一當牛斗之分上應台星故曰天台隋開皇十年楊素擊江南叛者別將史周廻八百里

萬歲破沈孝徹于温州步道向天台指臨海蓋山谷高深恐爲遁逃藪也縣北六里有赤城山乃天台之南

門唐六典江南道名山曰天台其峯之名者曰九折峯在縣東北三十里旁又有五峯正北爲八桂東北爲靈禽東南爲祥雲西南爲靈芝西北

爲映前有雙澗合流號天下四絕之一四絕者類要云齊州靈巖荊州玉泉澗州棲霞曰玉霄峯在縣北三十里重

嚴疊嶂凌雲翳日其相對之峯縣西四十五里壁立于霄環樹掩映其相望曰紫凝峯者有瑞龍天柱香爐應澤四峯皆爲勝境曰栢香峯縣北六十里四面陰

爲白雲道書以爲第十六福地嚴垂磴曰華頂峯在縣東北六十里周迴百餘里高萬丈絕頂東望滄海俗稱望海尖少晴多晦夏猶積雪自下望之若蓮花之夢

亭亭獨秀因名此天台之第八重爲最高處李曰云天台隣四明華頂高百越是也曰天姥峯在縣西北百里其峯

孤峭下鄰嵎縣仰望如在天表又有金地嶺在縣西二十里金錢池側銀地嶺在縣北三十里八桂嶺縣北五十里

里孫綽天台賦八桂縣西北二十五里下麻姑巖縣西南二十五里及丹霞洞縣北十五里桃花洞縣西

森挺以凌霄謂此百丈巖有潭其水雖旱不竭一名仙姑巖一名劉阮洞大抵皆以幽奇靈闕得名

括蒼括蒼山在台州府西南四十里處州府縉雲縣東南百里山連二郡之境唐六典江南道名山曰括蒼

山經山高千五百丈周迴三百里西接縉雲東跨仙居南控臨海吳錄云括蒼山登之俯視雷雨有棠溪赤溪官溪三水

皆在縉雲縣分流環遶其下四面石壁可容數千人道書以爲成亦曰蒼嶺亦名天鼻山唐天寶中改名真隱山

東七十里蓋南境之大山也

金華金華山在金華府北二十里互金華蘭谿義烏浦江之境一名長山山嶺有雙峯皆流泉下注輿地志長山本

名長仙赤松子採藥于此後訛仙爲山也志云山高千餘丈周三百六十餘里山嶺雙巒曰玉壺曰金盆玉

壺之頂有徐公湖湖分兩派一瀉于山之陽一注于山之陰而爲溪泉金盆亦有飛瀑下垂爲赤松澗兩巖

對峙高數百仞有石橫跨其上溪流折旋爲瀑爲湍分合凡數處唐六典金華江南道名山之一山西南五里曰芙蓉山高千餘丈孤峯獨起秀若芙蓉一名

尖峯山相接者曰赤松山亦在府北十五里有其東有臥羊山即晉赤松子黃初平叱石成羊處其北有山甚峻特崎嶇五里至絕頂夷曠可居曰煉丹

赤松宮祠黃初平太祖初下婺城駐蹕于此

山又北數里曰梁山之北有鹿田峯去府城二十五里峯巒聳拔上有沃野可耕又有金華洞道書以為三十六洞天今洞在府北三十里有

盤泉危石逶迤幽勝

朝真冰壺雙龍三洞朝真居山巔冰壺居中雙龍最下相傳與四明天台諸山相通也柳宗元龍城錄云金華山有仙洞內有三十室廣三十二里吳錄云長山之南有春草巖折竹

巖皆在府北山之西有紫薇巖一統志在府北二十五里石室深廣數丈一名書堂梁劉峻著書處東曰九龍洞志云在府西北三十里有石奔灣如龍

潛溪之源出焉山之東巖曰上霄洞石壁環抱如城郭或謂之優游洞距城東北三十里又五里曰新洞舊時可入

今則否洞始于宋紹興七年故曰新也金華之稱或謂始于天寶間或謂起于蕭梁時

其大川則有浙江浙江之源有三一曰新安江或謂之徽港班志謂之漸江水源出徽州府西北百二十里之黟山

今名經府南東流至竹節磯而入嚴州府淳安縣界經縣南東流六十里而遂安縣境之水流合焉又東九

十里而經府城南東陽江流合焉此浙江西出之源也一曰東陽江或謂之婺港水經謂之吳甯溪源出金華府東

南百三十里之大盆山經縣南境而為畫溪西入義烏縣界而為烏傷溪至府城東合于南溪又西流至蘭

溪縣西南六里而信安江流合焉此浙江東南別出之源也一曰信安江或謂之衢港亦曰歙水源出衢州府開

化縣東北六十里之百際嶺經縣城東謂之金溪又東南入常山縣境而為金川至縣城東則江山縣文溪

之水流合焉又東南經府城北而江山縣南仙霞嶺北諸溪谷之水皆流合焉又至府城東十五里而定陽

溪流合焉又東北經龍游縣北四里而為盈川溪亦曰歙溪又東北經湯溪縣北境又東北經金華府蘭谿

谿流合焉又東北經龍游縣北四里而為盈川溪亦曰歙溪又東北經湯溪縣北境又東北經金華府蘭谿

縣城西而與東陽江合流此浙江西南別出之源也三江既合東北流百餘里至嚴州府城東南二里而與

新安江會三源同流東過桐廬縣或謂之桐江又東北入杭州府富陽縣界而爲富春江經縣城南又東經

府城南而謂之錢塘江東北流入海甯縣界南岸則爲紹興府蕭山縣界

舊志浙江在臨安府錢塘縣治南十二里越州蕭山縣治西二十五

里夾岸有山南曰龕北曰赭二山相對謂之海門又東則錢清曹娥之水並匯于紹興府北而爲三江海口

此浙江源流之大略也亦曰浙河山海經曰禹治水至于浙河莊翼云浙河之水濤山浪屋雷擊霆砰有吞

天浴日之勢亦曰漸江水經漸江水出三天子都漢地理志漸江水出黟縣南蠻中亦曰羅刹江志云取風

濤險惡之意然而浙江之名尙矣吳越春秋越王至浙江之上望見大越山川重秀天地再清史記楚威王

殺越王無疆盡取故吳地至浙江又秦始皇至錢唐臨浙江水波惡乃西百二十里從陘中渡後漢建安初

孫策引兵渡浙江取會稽晉咸和三年會稽內史王舒等起兵討蘇峻之亂使庾冰將兵西渡浙江隆安三

年孫恩據會稽劉牢之等討之進臨浙江恩聞之曰我割浙江以東不失作句踐牢之既濟恩遂走入海島

隋開皇十年越州高智慧等作亂楊素擊之智慧據浙江東岸爲營周互百餘里船艦蔽江別將來護兒以

奇兵潛渡遂破之東南有事未有不以浙江爲襟要者盧肇云浙者折也取潮水出海屈折倒流也燕肅云

浙江上游受婺衢歙三港之出水出兩山間盤迴百折過蕭山入海龕赭兩山之間岸狹勢逼湧而爲濤祝

穆云浙江之口山居江中潮水投山十折而曲故名浙江海潮之盛莫過于浙江以其去海至近而江流不

足以致之耳

昔因海潮著爲圖論者不下數十家大略卯酉之月爲陰陽之交氣以交而盛故潮獨大于餘月朔望之後爲陰陽之變氣以變而盛故潮獨大于餘日小則水漸漲不過數尺大則湧濤高

數丈每歲八月十八日爲觀濤之候輿程記近志謂潮以曲折而大又云因海門二山阻其怒而大皆非也浙江自婺源浙嶺發源山嶺高峻緣山取道凡十八曲折而上故因以爲名夫折當緩阻亦當緩潮之大以浙江三百里卽黃公洋廣三百里始至大海納以巨澤潮勢因

自東漢以浙江之東皆爲會稽浙江之西

皆爲吳郡兩浙之名實起于此唐六典江南道大川曰浙江上承三州之水又歷杭睦越三州而入于海自

古至今常有漂溢之患

唐末諸志所載浙東西諸郡水患皆浙江漂溢也

浦陽江

浦陽江源出金華府浦江縣西六十里深島山謝惠連云朝發浦陽內暮宿浙江湄言相近也

曰浦又水相入爲浦此指江邊之地

水經注浦陽江導源烏傷

浦江縣亦古烏傷也

東連諸暨與泄溪合今江水經浦

江縣南東流入紹興府諸暨縣界自源徂流凡百二十里始通舟楫經縣南折而北流縣境諸水皆流入焉

北經山陰縣南分爲二支一西北經蕭山縣東南三十里之臨浦又北折而東經府西五十里之錢清鎮名

錢清江又東入于海是錢清江卽浦陽江也

亦名西小江今江口爲潮沙所遏其內則爲運河亦與錢塘江相隔

一自山陰縣東南分爲小舜

江今名東小江

又東與嵊縣剡溪之下流合經府東九十二里之曹娥廟而爲曹娥江又北至上虞縣西北五里

之龍山下而西北折以入于海是曹娥江亦浦陽江分流所匯也禹貢云三江既入韋昭以爲三江者松江

錢塘江浦陽江浦陽之水微矣而亦稱江者以其入于海云

苕溪

苕溪有二源一出天目山之陽經杭州府臨安縣西達縣南而東

謂之南溪

入餘杭縣界又東流經餘杭縣

治南又東流二十七里入錢塘縣界白源徂流凡百八十里始通舟楫

潘氏曰苕溪支流大抵自餘杭縣西南二里之南湖溢入于錢塘之西溪

入杭州府北十里之北關河以濟漕渠

又東北入湖州府德清縣境經縣城東南

謂之餘不溪武康縣境前溪諸水皆流合焉

又北經府城南合諸

溪之水

謂之霅溪

匯爲城濠此苕溪之東派也其一源出天目山之陰經孝豐縣東南又北流經安吉州西折而

東經長興縣南境

縣境荆溪諸水皆流合焉

至府城西亦謂之苕溪此苕溪之支派也兩溪匯流由小梅大錢二湖口

湖在府北十八里大錢湖在府東北三十八里

入于太湖

又苕溪經湖州府城下分流爲運河經府東七十里之潯溪達于蘇州府吳江縣南四十里之驚脰湖而與杭嘉二郡之運河合

唐天授

二年勅錢塘於潯餘杭臨安四縣租稅皆取道於苕溪公私便之然今自餘杭以上漲涸不時未可方舟而濟矣潘季馴曰浙西運河大都發源于天目蓋以苕溪爲之委輸也

太湖 太湖在湖州府北二十八里詳見江南大川

運河 運河卽江南河也隋大業中將東巡會稽乃發民開江南河自京口至餘杭八百餘里後代因而修之

以爲轉輸之道宋孝宗淳熙八年浚行在至鎮江運河時都臨安尤以漕渠爲先務也

宋志運河自臨安北郭務至鎮江江口屬

六百四十一里淳熙十一年臣僚言運河自北關至秀州杉青各有插堰豬水惟沿河上塘有小堰數處積久低陷無以防遏水勢兼沿河下岸徑港極多其水入長水塘海鹽塘華亭塘由六里堰下私港散漫悉入江湖以私港深運河淺也若修治上塘小堰及修固運河下岸一帶徑港自無走泄之患矣

今運河由杭州府之武林驛又北歷湖州府德清縣東三十

里

舊湖州運道由德清而東以合于運河凡百二十里而達嘉興府崇德縣又東北歷桐鄉縣北八里凡八十里而經府城西

繞城而北

江南松江府之運由嘉善縣以達於府城北之運河

又六十里而接江南蘇州府吳江縣之運河此兩浙之運道也

海 浙江以海爲境東南必備之險也三國吳永安末魏將王雅浮海略勾章而去五代時吳越與淮南相攻

屢以海道爲角逐之所又吳越入貢每自海出登萊抵大梁至于不逞之徒如晉之孫恩唐之裘甫皆恃海

濱僻遠一旦竊發東南柔脆爲之震盪南宋以臨安爲行在而海道之防尤切紹興二年敵人分屯淮揚軍

海州樞臣虞賊若以輕舟南來蘇洋之南海道通快可以徑趨浙江詔遣官相度中丞沈與求言海舟自京

東入浙必由泰州石港見江南通州料角陳貼通明鎮等處見江南次至平江南北洋次至秀州金山見松江府

金山今甯波府慈谿縣次至明州向頭向頭巡司是也又聞料角水勢湍險倘于石港料角等處拘束水手優給庸直而存

養之以待緩急之用彼亦安能衝突呂頤浩言敵舟從大海北來拋洋直至定海此浙東路也自通州入料

角放洋至青龍港見江南又沿流至金山村海鹽縣直泊臨安此浙西路也望分設沿海制置司專管淮東

浙西及浙東福建路從之而海道之窺伺益少元末方國珍發難依海爲險明初經略東南國珍既平命湯

和由海道取福州洪武二年招徠遠夷設市舶提舉司于甯波爲日本之貢道而奸萌漸作十六年絕其貢

獻使湯和經略海上預爲之防永樂二年復許入貢至嘉靖中防維益懈奸商伺隙流毒東南而海道之防

于是日密懲前愆後勢固然也防險說云浙江之源始于夥之林歷山見江南徽州府黟縣一線之微合流

萬壑終于錢塘江之鑿子門而入海故鑿子門者乃省城第一門戶石墩鳳凰外峙乃第二門戶此外無山

鳳凰山見海鹽縣惟羊許獨立海中東接衢洋西控吳淞江口爲第三門戶羊許二山有防然後石墩鳳凰有蔽石

墩鳳凰有蔽然後錢塘鑿子門可守此其大略也沙起錢塘東至吳淞曾無間斷海外諸沙亦向北而轉惟平坦延曠故賊皆可登是蘇松杭嘉四府連壤一脈利害安危輔車相依者也今欲求錢塘無虞當守附海之三關欲求三關甯謐先防大海之羊許但羊山孤懸大海去乍浦太遠我舟頓此設遇東北颶風賊舟便捷彼此齊驅勝負難必許山巖門淺狹止可避東南之風賊乘東北風利我開舟擊之嘗虞並駕次者金山衛城西灣沙塗頗軟可暫停舟但遇東南風亦未易出惟海鹽白塔山去秦駐山不遠四風皆便賊若由大洋而來隨處可擊是海鹽一關尤四面之控制也總而論之賊由北洋經蛇山茶山其患必犯吳淞然吳淞之口北向舟難逆出必藉崇明等沙兵船以禦之賊由東洋經陳錢馬蹟犯甯定者必藉衢山馬墓兵船以禦之賊由南洋經韭山烏沙門犯昌國臨觀者必藉舟山烈港兵船以禦之若由羊山直進犯海鹽者必藉乍浦三關兵船以禦之是防海之總要也又曰列郡之海口有温州之飛雲橫陽館頭台州之松門海門甯波之定海大浹湖頭渡紹興之三江泗門杭州之龔山赭山嘉興之乍浦澈浦皆倭寇窺犯之地列郡之門戶也海洋之要害有金鄉盤石衛之鳳凰山南麂山松門海門衛之大陳山大佛頭山昌國衛之韭山定海衛之舟山遠而陳錢馬蹟山臨海觀海衛之烈港海甯衛之羊山許山皆倭寇必經之地沿海之藩籬也又曰陳錢羊山浙直共守之門戶也

陳錢山在舟山普陀東南大洋中

桐山流江閩浙相依之唇齒也蓋倭從彼國開洋必徑

抵陳錢山歇潮候風集艘分犯若遇東南風高則望羊山以犯蘇松浙西東南風和則望韭山朱家尖

朱家尖卽